

26

GEORGII ERNESTI STAHL,  
MED. D. ET PROFES. PUBL. ORDINAR.  
*PROPEMPTICON INAUGURALE*  
DE  
**FLUXUS MULIEBRIS,**  
**QUATENUS MENSTRUI,**  
CAUSA.



Uam difficile sit humano intellectui, Motū cum circumstantiis ipsi intrinsecis, & ut loquuntur essentialibus, perspicacius intueri; Longe magis vero proclive, corporis & materiæ corporeæ proprietates assequi: Testari potest universa, imprimis tamen hodierna, philosophia, in arguendis atque citandis tribus aut quatuor illis vocabulis, certæ magnitudinis, certæ figuræ, certi situs, certi numeri aut ravim usque occupata: Circa quælibet autem motus phænomena, absolute ad θεὸν ἀπὸ μηχανῆς configugere necesse habens. Et profectò, ego ipse facile illis accedo, qui multorum Motuum rationes, imprimis qui à posteriori evidenter aliquam rationem non præse ferunt, comprehendendi non posse, ingenuè agnoscant: Con numero verò inter has incomprehensibiles motuum circumstantias, imprimis Tempus exquisitè statum: Et tale quidem, quod non tam cum mutationibus motuum macrocosmico-rum, æquinoctiis, solsticiis, tempestatibus, æstu vel frigore, die vel nocte &c. conspiret: Sed magis propriam aliquam & immediatè definitam mensuram atque periodum præscriptam habeat, quomodounque tandem modo dictæ macrocosmicae mutationes succedant. Inter hujus generis conditiones atque respectus Motuum ad tempus, meritò primo loco numero, insignes varias mutationes, per mensuras septenario nume-

numero in ~~exas~~ in corpore humano obtingere solitas. Hujus rei rationes nemo hominum unquam adhuc adumbrare in se suscepit, præterulos Astrologos; Qui, cum planetarum, cum illi quoque septem numerentur, vario motu atque positu has res comparare atque conciliare laborant. Non disimulo mentem meam, quod ad minimum ex omnibus aliis considerationibus, quoad τὸ ὄτι, hæc adumbratio adhuc majorem probabilitatem præfere ferre videatur; Et tanto magis quidem in acutis affectibus, ubi etiam exactior computatio, communiter sic satis scopum ferit (in quam rem adhiberi merentur, Cornelii Pleyeri Medicus Criticus Astrologus, & Joh. Ganiveti amicus Medicorum) Interim quilibet utique videt, quod hac ipsa etiam ratione, si vel maxime experientia constans & exquisitissima confirmare posset, quod hi motus in humanis corporibus, cum sideribus συγγύιαν suam habeant, nihilominus causa atque motus hujus nexus nondum dispalescat.

Quemadmodum autem sèpenumerò minime inconcinnum est, ad minimum veras, aut vero maxime similes causas reperiisse; Quantumvis modum ad energiam causandi non jugiter assèqui integrum sit: Quam immediate rebus τὸ θεῖον, ab omni alia Cosmica causalitate abstractum, imputare: Ita sanè in his etiam negotiis, intermedios tales nexus atque respectus causales, veros tamen atque certos, absurdum sit, contemnere atque infuper habere, quoniam ultima causandi ratio non satis dispalescat. Adducimus exemplum, modo allegatos affectus actuos, & supponimus notum esse illis & compertum, qui nos intelligere volunt, quod successus atque decursus horum, septenariis temporibus innitantur. Jam non dubitamus pro sanæ mentis impore merito habitum iri medicum, aut quemcunque tandem hominem, qui recusaret hanc rem vel prognosi sua, vel therapia, in modo medicandi methodo, respicere aut attendere; nedum veritatem facti ipsius negare. Propterea, quod ratione nostra assèqui non liceat, quo modo & directo causandi nexus hæc ita eveniant.

Ego vero, ut minime ignarus sum, unde omnia talia, pendeant, ut videlicet modo imperite dubitetur, modo ignoranter negetur, aut contradicatur: Possum tanto facilis cuilibet sua relinquere: Interim justissimo jure idem etiam ab istis expecto: quod si praestare refragentur, necesse sane est ut sentiant, quam dispar sit ratio verae atque bonae, & male atque falsae cause. Hac ratione atque methodo non dubito, methodum meam phænomena corporis humani solida theoria executiendi, persequi: Et suscepi hac ipsa quoque occasione Thema tractare, quod haecenius indigitat sit indolis, nimirum rationem investigare, cur purgatio foeminarum, menstrua dicta, tempus hujusmodi servet, nempe menstruo spatio partim absolvatur, partim repetatur. Sicut autem in mea methodo theoretica, semper follicite eo conniti soleo, ut ante omnia veritas historiæ, seu facti ut vocant, solide perspecta sit: Ut nempe non falsarum fictiarum aut incognitarum rerum causas investigare, merito reprehendi queam: Sed non solum e veris, sed etiam omnibus non divulgatis, non separatis aut dissimulatis, rei proprietatibus, verum atque solidum, & totum objecti latifundium exhaustientem, ætiologiam assequi possim: Ita utar hic etiam hac ipsa methodo, adeoque primo omnium loco veram historiam motus huius purgationis menstruae prælibabo. Consistit hæc in eo quod foeminas ab eo tempore, quo infantes gignendi compotes fiunt, sanguis e genitalibus profluere incipiat: Et hoc quidem, quo magis recte atque ordine succedit, vel ipso mox primo exitu, vel sane magis magisque subsequentibus, tempore insignis alicuius Phaseos lunæ: Novilunio, aut plenilunio. Continuat hic fluxus, reliquis circumstantiis quasi ad amissim melius constitutis, ad quatuor aut septem dies. Ut ita septimana illa, à die quo prorupit, ipsi impendenda, seu annumeranda videatur. Ab hac septimana, quando tres aliæ sequentes elapsæ sunt, reddit ille ipse fluxus, & procedit etiam diutorium, septem circiter dierum, decursu: Post alias tres septimanas ab illorum ultimo numerandas, iterum expectandus

dus. Hujus rei rationem ut affequamur, necessarium ducimus, ipsi ad latus ponere negotium Crise<sup>av</sup>. Notum est has absolvit septenariis dierum, seu septimanis, a die primi insultus numerandis: Ita quidem, ut in periculo summo dimidium primæ septimanæ, nempe quarti diei initium, totam crism afferat, aut ad minimum notabiliter inchoet, saepe initio exoneratio-  
nis. Quando insignis adhuc periculi, adeoque justæ imò ne-  
cessaria festinationis est negotium, septimo die instituitur ex-  
oneratio: Quo magis langvet & periculum, & sollicitudinis resistendi molimen, eo magis in decimū quartum, imò in vige-  
simum, aut vigesimum primum diem, differtur expulsio. Prae-  
terea, quemadmodum crises illæ fervide, prompte & alacres, evidentioribus moliminibus, & simultaneis largis evacuationi-  
bus quamplurimum absolvuntur; Ita econtra, tardiores illæ, manifesto lenes etiam sunt, & si maxime non semper & abso-  
lute parcæ sive paucæ, non tamen etiam impetuosæ, aut simul-  
taneis turbulentis eruptionibus gaudentes. Has res, negoti-  
um & historiam mensum & crise<sup>av</sup>, si inter se comparemus,  
primo omnium loco nemo est qui dubitet, quin excretio men-  
strua in genere ad exoneraciones ad minimum generalissimo  
sensu criticas pertineat. Fit enim non solum ad exoneran-  
dum corpus à sangvine superfluo, sed etiam ita, & propterea  
exonerandū, ne damnum aut corruptio aliqua corpori hinc  
subnasci posset. Sicut autem hoc ipsum quodcunque da-  
mnum aut periculum, adeo præsens, & ut vocant urgens, non  
existit, ut propterea sive insigni sive brevi penitus & præcipiti,  
impetu, opus sit: ita differtur etiam executio ad tardissimum  
hujus generis terminum, & peragitur hoc ipso tandem tem-  
pore, placido magis & tranquillo successu. Non dubito, in-  
quam, Menstruam periodum, Criticam appellare, sive mensu-  
ram temporis qua gaudet, criticæ intentioni atque directioni  
in acceptis ferre; Ita nimurum, ut tertia sive tardissima  
periodo critica, que quidem ecclises adhuc parturiat, 20. vel  
21. dierum, absolvatur; facta vero tunc temporis eruptio  
placido leni successu quartam septimanam occupet aut ex-

pleat: A cuius demum fine, novi tres septenarii, quorum postremus dies crisi aperiat, iterum procedant. Ita quidem periodum, ut vulgo vocant menstruam, criticis periodis assigno. Interim, sicut ego ipse minime repugno, aut præfratre inficior, quod lunæ, qualiscunque demum illa sit, cursus, sive ut vulgo vocant influxus, tum criticum negotium in genere, tum menstruum in specie, insigniter afficiat, iisque multum conspiret: Ita minime tamen assentiri potero illis, quicunque menstruum negotium, magis immediato nexu atque respectu, lunæ efficacia, quam criticis destinationibus ascribere laboraverint. Argumentum meum in hac materia, fundatur in eo, quod quantumvis ceteris paribus & velut ordinarie, plurimū in mensium tempore luna posse videatur; Nihilominus tantus numerus præsto sit exemplorum, ubi non æque ulla consideratu digna declinandi causa concurrit, & tamen periodus mensium ab insignibus lunæ phasibus deflecat: quam alias, ubi illas exquisitè sequatur. Quod certè fieri non posset, si tam insignis, nedum absoluta efficacia lunæ in hujusmodi temporis determinatione, subefset: Utique enim ad minimum non deberet periodus mensium, ab energia illius Dirigentis, nisi intervenientibus admodum potentibus & vehementibus aliis obstatulis, dimoveri. Imo non dispalesceret ulla evidens ratio, cur non potius intercepta lunæ in hoc genere potestate, totus potius effectus supprimatur; Quam solum à justis suis terminis dimoveatur, & tamen de reliquo satis exactè perennet: id est, sine nexus cum sua causa. Quæ quidem res acutarum crisiū, tanquam laboriosiorum, negotium, minus premit; Quandoquidem illarum diversus successus & eventus, tanto commodius huic diversitati efficacia lunæ in variis suis phasibus hoc ipso commode imputatur: In præsente vero negotio constans etiam, ordinatus, & tranquillus effectus, in quamlibet lunæ phasen, propemodum indifferenter incidit, non pariter quadrat.

Pla-

Placuit hæc præmittere Invitationi ad Solennem Di-  
sputationem quam habiturus est,

**DN. GEORG. FRIDERICUS Jäschke**

Stroppa-Silesius

Medicinæ Candidatus dignissimus,

Natus hic est Parentibus Honestissimis , Pl. Rever. &  
Ampl. DN. M. ABRAHAMO Jäschke / Eccl. Stroppensis  
& Wergengavensis Pastore Vigilantissimo : Matre hone-  
stissima Matrona DN. SUSANNA , familia Hedelhåvez  
r̄n. Educatus ab Optimis Parentibus in Pietatis & Probi-  
simorum Morum iugri exercitio, crescente iusta ætate studiis  
liberalibus dicatus atque destinatus est, quorum primitias in  
humaniori literatura imprimis Vratislaviæ hausit, sub manu-  
duktione dexterrima æque atque fidelissima Celeberrimo-  
rum Elisabethani Gymnasii Professorum , quos propterea  
merita gratitudine concelebrat. Cum Ao. 1699 adiit Lipsi-  
am, ubi partim Philosophica studia prosecutus , partim Me-  
dica atque Physica secessatus est: & his quidem iugri progressu  
excolendis, manudictioni B.D.D. LANGII, Facult. Med.  
Affessoris Celeberrimi, sese tradidit: Erepto autem hoc pro-  
perantibus Fatis, Excell. D.D. RIVINI, Professoris Famig.  
informationi sese addixit, cuius Doctrinam facillimam , maxi-  
meque perspicuum & fidelem maximi facit. Præter hos , ut  
vocant Cursus medicos publicas etiam Lectiones frequenta-  
vit Magnif. D.D. BOHNII medico-legales & Therapeu-  
ticas ; Pathologicas & Botanicas laudati D.D. RIVINI:  
Privatis etiam Collegiis interfuit Exc. D.D. PETERMANNI  
in casus praticos clinicos : Chymica B.D.D. LANGII, lau-  
dati D.D. RIVINI, & h.t. Magnif. Acad. Recl. D.D.  
SCHAMBERGERI: Physica & Anatomica, Exc. D.D.  
PAULI & D.D. SCHACHERI , nec non D.D.  
ET MÜLLERI, ubi etiam Pathologico - Semiotica , ad  
ad

ad placita D.D. BOHNII, & tab. D. D. WEDELII audivit. Publice quoq; disputavit, tum sub Exc, D. D. BOHNIO, Diff. V. de Medici Officio: & sub Præsidio D. D. SCHACHERI, de Cataracta. Pertractato ita, imprimis cum serio & indefesso studio universo Medicæ Doctrinæ statu, ad praxin ipsam capessendam, consilio & svasu illorum, quorum justa & præcipua apud ipsum est autoritas animum applicuit; & in eum finē Jura atque Privilegia a summis mundi Potestatibus his usibus destinata, adspirans, Regiam nostram Academiam & Facultatem Medicam accessit, desiderium suum modeste aperuit & Profectuum suorum justa specimina debitiss Examinibus exhibere, in se recepit. Ubi se etiam talem præstitit, datis laudabilissimorum progressuum speciminiis, ut ad sedendum publicum ultimum Eruditionis suæ documentū cathedram ipsi pandere debuerimus: Habet itaque Disp. Inauguralem, de INSOLITIS MENSIVM VIIIS, sub nostro præsidio, proximo XVI. Sept. Ad quem aetum solennem, ut Magnif. Dn. Pro-Rector, Proceres Academiae Illustres, Magnifici, & Excellentissimi, Hospites atque Cives, Illustrissimi, Illustres, Generosissimi Nobilissimi, Clarissimi, condecorandi actus gratia honorifica præsentia sua adeste velint, est quod officii nomine, qua par est honorifica invitatione expeto,

P. P. Halis Magdeb. XIV. Septembr.

MDCCII.

(L.S.)

Uc 787

ULB Halle  
002 169 568



3


St.

KDZP  
VDM



B.I.G.

Black



26

GEORGII ERNESTI STAHL,  
MED. D. ET PROFES. PUBL. ORDINAR.  
*PROPEMP TICON INAUGURALE*  
DE  
**FLUXUS MULIEBRIS,**  
**QUATENUS MENSTRUI,**  
**CAUSA.**